

ALGUN DI E COSNAN CU NO TA BON NA ARUBA

Ora tende di cosnan irregular cu ta pasando, bo ta pensa: "**ta pesey hendenan ta bira malcontento y rabia**" y esey djies pa bo no expresa bo mes mas fuerte.

WEGA DI PAPEL

(1) Manera ta custumber den sector hotelero y di casinonan, e siman aki nos ta tende di un cadena cu ta retira tanto trahador. Pero na mes momento e cadena ta bisa: "**Nos lo busca empleo pa nan na otro hotel**", y tambe bo ta haya "**e trahadornan por aplica pa trabao na e compania cu awor lo bay opera aki**". Esaki ta **WEGANAN RIBA PAPEL** cu bo ta haya na hotelnan y casinonan.

(2) Tin un hotel aki caminda tur trahador ta kere cu nan ta traha pa e hotel menciona, pero na Camara di Comercio, e hotel aki no ta existi. Ora bo haya retiro inhusto y kier demanda e hotel, ta bin resulta cu e hotel ta traha pa un compania hotelero y cu ta pa e compania hotelero bo ta traha y no pa e hotel.

WEGA RIBA PAPEL atrobe.

(3) No mucho siman pasa, un empresa hulandes grandi ta retira trahadornan.

Ta core bay entrega peticion pa retira un 50 trahador pasobra cos a malo of slow den nan ramo.

Pero 2 dia despues, ata Mr. R. atrobe na oficina di gobierno, pero no pa retira trahador, pero cu peticion pa por trece 50 trahador (di afo) pa bin traha pe.

Atrobe **WEGA DI PAPEL** y no bisami cu e departamento gubernamental aki no sa di esaki.

Wega di papel di "**Dochtermaatschappij**" (pues otro compania y no esun cu a retira trahadornan).

(4) Shon ta choller. Conoci pa tur hende.

Shon Choller a desaparece y a resulta cu e tabata na Santo Domingo. Despues di algun dia, e ta aparece atrobe riba Aruba, y como homber casa.

Familia no sa di nada.

Te awe nan no a mira e "**amol**" di nan yiu.

Nan no sa si e ta blanco, preto, shinishi, geel, berde of blauw.

Pero Shon Choller ta biba lunanan largo cerca su mayornan.

"**Amol**" si ningun hende a mira te awe ni pa presenta cerca suegro of

suegra, y Shon Choller mes no sa di su "**amol**" cu ta riba Aruba si. Loke si a sali na cla ta cu "**amol**" ta inscribi na Bevolking, den cas di suegro y suegra.

Mañan cu suegra ni suegro tey mas, "**Amol**" tambe ta cay den herencia y e ora ey si ta presenta y no su so, pero cu un cadena di seis pa 12 yiu.

Ni un jockey el a yega di laba.

Familia lo no por gana **WEGA DI PAPEL** tampoco.

E cosnan aki ta tumando lugar, y ningun hende por gañami cu gobernantenan no sa, departamentonan gubernamental no sa, instancianan involvi den e tipo di cosnan aki no sa.

Tur di nan sa y e ta keda pasa y pasa y pasa y pasa pasobra

Who cares ?"

SANIDAD.....HIGIENA.....LIMPIEZA

Cuanto hende a bay docter ayera na hospital, y cuanto a drenta e baño publico di hende muher na altura di consultorionan di docternan?

Locual si cu mi sa tabata bastante.

Despues di e kehonan, un a bisami, "**bay mira pa bo mes !.**"

Imaginabo, pa 10 or di mainta caba, e baño publicopa hende muher tabata un "**chique di porco**".

Orina tabata gespat links en rechts.

Ta plafon so a scapa.

E holor cu a sali di e baño aki tabata suficiente pa construi "**fabrica di perfume marca "Spanta Sangura"** na Aruba.

Pero e cos no a keda aki. Djies sinta na altura di localidad di "**Röntgen**".

Djies mira e sapatonan di verpleegsternan y broedernan cu ta cana pariba pabao "**den hospital**," y bo ta puntra bo mes, "**ta den hospital e shonnan aki ta traha, of ta riba caya.**"

Aki, pa carnaval por mira tur sorto di color blanco. "**Color blanco-preto, color blanco-maron, color blanco-geel, color blanco-sushi, pero casi ningun color blanco-blanco.**"

Na hospital, mi ta spera di mira mi verpleegsternan bisti netchi na blanco, pero locual mi a ripara ayera no tabata cos di gaba.

Ata shon ta pasa masha bunita mi dilanti cu un bunita jas di hospital, pero bao di dje, "**T-shirt di carnaval ta pronk.**"

Ta e momento ey mi a corda cu ta den temporada di carnaval nos ta.

Juby